

四庫全書存目叢書編纂委員會編

齊魯書社

四庫全書存目叢書

史部
第七八冊

責任編輯：孫言誠 賀 偉

ISBN 7-5333-0535-3



9 787533 305352 >

2009/10

四庫全書存目叢書·史部七八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

287×1092 毫米 16開本 52.625 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價:87600 圓

史部第七八冊目次

史部·傳記類

孔聖全書三十五卷(原缺卷三十一)(二)

〔明〕蔡復實輯

山東省圖書館藏明萬曆十二年金陵書坊葉貴刻本

仲志四卷

〔明〕劉天和撰 周鼎重訂

上海圖書館藏明崇禎十三年刻清康熙增修本

閔子世譜十二卷

〔明〕張雲漢撰

復旦大學圖書館藏清順治十四年任柔節刻本

夷齊志六卷

〔明〕白瑜撰

故宮博物院圖書館藏明萬曆二十八年刻本

..... 一

..... 五一二

..... 六四八

..... 七四三

孔聖全書三十五卷(原缺)

卷三十一(二)

〔明〕蔡復賞輯

山東省圖書館藏明萬曆十二年金陵
書坊葉貴刻本

附《四庫全書總目·孔聖全書
三十五卷》提要

孔聖全書孔叢子中卷卷之十八

嘉言

夫子適周見其弘言終退其弘語劉文公曰吾觀孔子尼有聖人之表河目而隆顴黃帝之形貌也脩肱而龜背長九尺有六寸成湯之容體也然言稱先王躬履謙讓洽聞旅記博物不窮抑亦聖人之興者乎劉子曰方今周室衰微而諸侯力爭孔丘布衣聖將安施其弘曰堯舜文武之道或弛而墜禮樂崩喪亦正其統紀而已矣既而夫子聞之曰吾豈敢哉亦好禮樂者也○陳惠公大城因起凌陽之臺未終而坐法死者數十人又執三監吏夫子適陳聞之見陳侯與俱登臺而觀焉夫子曰美哉斯臺自古聖王之爲城臺未有不戮一人而能致功若此者也陳侯默而退遽竊赦所執吏既而見夫子問曰昔周作靈臺亦戮人乎荅曰文王之興附者六州六州之衆各以子道來故區區之臺未及期日而已成矣何戮之有乎夫以少少之衆能立大大之功唯君爾○子張曰女子必漸乎二十而後嫁何也孔子曰十五許嫁而後從夫是陽動而陰應男唱而女隨之義也以爲續組紉織維者女子之所有事也黼黻文章之義婦人之所有大功也必十五以往漸乎二十然後可以通乎此事通乎此事然後乃能上以孝於舅姑下以事夫養子也○宰我使于齊而反見夫子曰梁丘據遇虺毒三旬而後瘳朝齊君齊君會

大夫衆賓而慶焉弟子與在賓列大夫衆賓並復獻攻療之方
弟子謂之曰夫所以獻方將爲病也今梁丘已療矣而諸夫子
乃復獻方方將安施意欲梁丘大夫復有危害當用之乎衆坐
默然無辭弟子此言何如夫子曰汝說非也夫三折肱爲良醫
梁丘子遇虺毒而獲療猶有與之同疾者必問所以已之方
焉衆人爲此故各言其方欲售之以已人之疾也凡言其方者
稱其良也且以恭摭所以已之方優劣耳○夫子適齊晏子
就其館既宴其私焉曰齊其危矣譬若載錫轄之車以臨于休
之谷其不顛覆亦難冀也子吾心也子以齊爲游息之館當或
可救子幸不吾隱也夫子曰夫死病無可爲豈夫政令者人居
孔聖全書 卷十八 二
之街轡所以制下也今齊君失之已久矣子雖欲挾其輶而扶
其輪良弗及也抑猶可以終齊君及子之身過此以往齊其田
氏矣○齊東郭亥欲攻田氏執贊見夫子而訪焉夫子曰子爲
義也丘不足與計事揖子貢使答之子貢謂之曰今子士也位
卑而圖大位卑則人不附也圖大則人憚之殆非子之任也蓋
姑已乎夫以一綏之任繫千鈞之重上縣之於無極之高下垂
之於不測之深旁入皆哀其絕而造之者不知其危子之謂乎
馬方駭鼓而驚之繫方絕重而填之馬奔車覆六轡不禁繫絕
於高墜入於深其危必矣東郭亥色戰而跪曰吾已矣願子無
言既而夫子告子貢曰東郭亥欲爲義者也子亦告之以難易

則可矣矣至懼之哉○率我問君子尚辭乎孔子曰君子以禮
爲尚博而不要非所察也繫辭高說非所曉也唯知者不失理
孔子曰吾於子取其言之近類也於賜取其言之切事也近類
則足以喻之切事則足以懼之

論書

子張問曰聖人受命必受諸天而書云受終于文祖何也孔子
曰受命於天者湯武是也受命於人者舜禹是也夫不讀詩書
易春秋則不知聖人之心又無以別堯舜之禪湯武之伐也○
子張問曰禮大夫三十而室青者舜三十徵庸而書云有勳在
下曰虞舜何謂也曩師聞諸夫子曰聖人在上君子在位則內
孔聖全書 卷十八 三
無怨女外無曠夫堯爲天子而有勳在下何也孔子曰夫男子
二十而冠冠而後娶古今通義也舜父頑母嚚莫克圖室家之
端焉故逮三十而謂之鰥也詩云娶妻如之何必告父母父母
在則宜圖婚若已歿則已之娶必告其廟今舜之鰥乃父母之
頑嚚也雖堯爲天子其如舜何○子夏問書大義子曰吾於帝
典見堯舜之聖焉於大禹皋陶謨益稷見禹稷皋陶之忠勤功
勩焉於洛誥見周公之德焉故帝典可以觀堯大禹謨禹貢可
以觀事皋陶謨益稷可以觀政洪範可以觀度○謂堯舜禹
可以觀義五誥可以觀仁甫刑可以觀誠通斯七者則書之大
義舉矣○孔子曰書之於事也遠而不濶近而不迫志盡而不

怨辭順而不諂吾於高宗彤日見德有報之疾也苟由其道致其仁則遠方歸志而致其敬焉吾於洪範見君子之不忍言人之惡而質人之美也發乎中而見乎外以成文者其唯洪範乎○子張問曰堯舜之世一人不刑而天下治何則以教誠而愛深也龍子以爲一夫而被以五刑敢問何謂孔子曰不然五刑所以佐教也龍子未可謂能爲書也○子夏讀書既畢而見於夫子夫子謂曰子何爲於書子夏對曰書之論事也昭昭然若日月之代明離離然若星辰之錯行上有堯舜之道下有三王之義凡商之所受書於夫子者志之於心弗敢忘雖退而窮居河濟之間深山之中作壤室編蓬戶常於此彈琴以歌先王之

孔聖全書

卷十八

卷十八

四

也幽萊所以祭星也魯萊所以祭水旱也檀子六宗此之謂也○書曰茲于大享于先王爾祖其從與享之季祖子問曰此何謂也孔子曰古之王者臣有大功死則必祀之於廟所以殊有績勸忠勤也盤庚舉其事以爲其世臣故稱焉桓子曰天子之臣有大功者則既然矣諸侯之臣有大功者可以如之乎孔子曰勞能定國功加於民大臣死難雖食之公衛可也桓子曰其位次何如孔子曰天子諸侯之臣生則有列於朝死則有位於廟其序一也○書曰維高宗報上甲微上甲微世湯之先也定公問曰此何謂也孔子對曰此謂親不廟數有功而不及祖有德而不及宗故於每歲之大嘗而報祭焉所以昭其功德也公曰先

孔聖全書

卷十八

卷十八

五

而露之澤萬物以成百姓咸饗此仁者之所以樂乎山也○
懿子問書曰欽四鄰何謂也孔子曰王者前有疑後有丞左有輔右有弼謂之四近言前後左右近臣當畏敬之不可以非其人也周文王胥附奔轅先後與侮謂之四鄰以免乎燔黑之害懿子曰夫子亦有四鄰矣孔子曰吾有四友焉自吾得回也門人加親是非吾附乎自吾得賜也遠方之士日至是非吾自吾得師也前有光後有輝是非先後乎自吾得仲由也言不至於門是非樂侮乎○孔子見齊景公梁丘據自外而問公曰何適對曰陳氏戮其小臣臣有辭焉是故遲公笑而曰孔子曰周書所謂明德慎罰陳子明德也罰人而有辭非不慎矣孔
孔聖全書 卷十八 六

書稱變曰於乎樂右拊石百獸率舞庶尹允諧何謂也孔子對曰此言善政之化乎物也古之帝王功成作樂其功善者其樂和樂和則天地猶且應之况百獸乎變為帝舜樂正實能以樂盡治理之情公曰然則政之大本莫尚變乎孔子曰夫樂所以歌其成功非政之本也樂官之長既咸熙熙然後樂乃和焉公曰吾聞變一尺有異於人信乎孔子曰昔重黎舉夔而進又欲求人而佐焉舜曰夫樂天地之精也唯聖人為能和六律均五音知樂之本以通八風夔能若此一而足矣故曰一足非一足也公曰善

記義

孔聖全書 卷十八 七
季桓子以粟千鍾饋夫子夫子受之而不辭既而以頒門人之無者子貢進曰季孫以夫子貧故致粟夫子受之而以施人無乃非季孫之意乎子曰何對曰季孫以為惠也子曰然吾得千鍾所以受而不辭者為季孫之惠且以為寵也夫受人財不以成富與季孫之惠於一人豈若惠數百人哉○秦莊子死孟武伯問於孔子曰古者同寮有服乎子曰然同寮有相友之義貴賤殊等不為同官聞諸老聃昔者魏叔闕太顛容且生南宮括五臣同寮比德以贊文武及魏叔死四人者為之服朋友之服古之達理者行之也○公父文伯死室人有從死者其母怒而不哭相室諫之其母曰孔子天下之賢人也不用於魯退而

是子素宗之而不能隨今死而內人從死者二人焉若此於
者薄於婦人厚也既而夫子聞之曰季氏之婦向賢子路使
然對曰夫子亦好人之譽已乎夫子死而不哭是不悲也何善
爾子曰怒其子之不能隨賢所以為向賢者吾何有焉其亦善
此而已矣○衛出公使人問孔子曰寡人之位無大小一一
自視察之猶復失人何故答曰如君之言此即所以失之也人
既知非言問所及觀察所盡且人君之慮者多矣慮則意不
精以不精之意察難知之人宜其有失也君未之知也君未
臣堯官才任士堯一從之左右曰人君用士當自任耳目而取
信於人無乃不可乎堯曰吾之舉舜已耳目之矣今舜所舉人
孔聖全書 卷八 卷八
吾又耳目之是則耳目人終無已已也君苟付可付則已不勞
而賢才不失矣○子貢問曰昔孫文子以衛侯哭之不哀知其
將為亂不敢舍其重器而行盡室諸戚而晉大夫二十人或
稱其知何如孔子曰人知其為知也吾未知其為知也子貢曰
敢問何謂也子曰食其祿者必死其事孫子知衛君之將不君
不念伏死以爭而素規去就戶利傷賊非人臣也臣而有不臣
之心明君所不赦幸哉孫子之以此免戮也○孔子使宰予使
公楚楚昭王以安車象飾問宰予以遺孔子焉宰予曰夫子無
以此為也王曰何故對曰臣以其用恩其所在規之有以知其
然王曰言之宰予對曰自臣侍從夫子以來竊見其言不虛

動不違仁貴義尚德清素好儉仕而有祿不以為積不
退無吝心要不服形妾不衣帛車器不雕馬不食粟道行
其治不行則樂其身此所以為夫子也若夫觀目之謂靡
之淫音夫手過之弗之視遇之弗之聽也故臣知夫子之無用
此車也王曰然則夫子何欲而可對曰方今天下道德衰息其
志欲與而行之天下誠有欲治之君能行其道則夫子雖使
以朝固猶為之何必遠辱君之重貶乎王曰乃今而後知孔子
之德也大矣宰予歸以告孔子孔子曰二三子以予之言何如
子貢對曰未盡夫子之美也夫子德高則配天深則配海若予
之賢行事之實也夫子曰夫言貴實使人信之含實何稱子是
孔聖全書 卷八 卷八
賜之華不若予之實也○孔子適齊齊景公讓登夫子降一寺
景公三辭然後登既坐曰夫子降德辱臨寡人寡人以為榮也
而降階以遠自絕於寡人寡人未知所以為罪孔子答曰君惠
顧外臣君之賜也然以匹夫敵國君非所敢行也雖君私之其
若我何○顏籬善事親子路義之後籬以非罪執於義將厄子
路請以金積焉人將許之既而二三子納金於子路以入衛或
謂孔子曰受人之金以贖其私恥義乎子曰義而贖之貧取於
友非義而何愛金而令不宰階辟凡人且猶不忍况二三子於
由之所親乎詩云如可贖芳人百其身苟出金可以生人豈百
倍古人不以為多故二三子其欲由也成其義非汝之所知也

○孔子讀詩及小雅喟然而嘆曰吾於周南召南見周道之而
以盛也於柏舟見匹婦執志之不可易也於淇澳見學之可以
為君子也於考槃見遁世之士而不悶也於木瓜見包且之孔
行也於緇衣見好賢之心至也於鸛鳴見古之君子不吝其教
也於伐檀見賢者之先事後食也於蟋蟀見陶唐儉德之大也
於下泉見亂世之思明君也於七月見幽公之所遠周也於東
山見周公之先公而後也於狼跋見周公之遠志所以為聖也
於鹿鳴見君臣之有禮也於鵲弓見有功之必報也於燕燕見
善政之有應也於節南山見忠臣之憂世也於蓼莪見孝子之
恩養也於四月見孝子之思祭也於裳裳者華見古之賢者世
孔聖全書 卷之六 十

刑論

仲弓問古之刑教與今之刑教孔子曰古之刑省今之刑繁其
為教古有札然後有刑是以刑省今無札以教而齊之以刑刑

是以繁書曰伯夷降典折民惟刑謂下禮以教之然後維以刑
折之也夫無禮則民無耻而正之以刑故民苟免○孔子適齊
衛將軍文子問曰吾聞魯公父氏不能聽獄信乎孔子答曰不
知其不能也夫公父氏之聽獄有罪者懼無罪者耻文子曰有
罪者懼是聽之察刑之當也無罪者耻何乎孔子曰齊之以禮
則民耻矣刑以止刑則民懼矣文子曰今齊之以刑刑猶弗勝
何禮之齊孔子曰以禮齊民譬之於御則繮也刑則鞭也
於御則鞭也執轡於此而動於彼御之良也無繮而用策則馬
失道矣文子曰以御言之左手執轡右手運策不亦速乎若徒
轡無策馬何懼哉孔子曰吾聞古之善御者執轡如組兩驂如
孔聖全書 卷之六 十

也今諸侯不同德園君異法折獄無倫以意爲限是故知法之難也子張曰古之知法者與今之知法者異乎孔子曰古之知法者能遠而能遠者止其深今之知法者不失有罪不失有罪其於怨寡矣能遠則於獄其防深矣寡怨近乎濫防深治平本書曰縱敬五刑以成三德言敬刑所以爲德也○書曰非從維從孔子曰君子之於人也有不語也無不聽也况聽訟乎必蓋其辭矣夫聽訟者或從其情或從其辭辭不可從必斷以情書曰人有小罪非情乃惟終自作不典式爾有厥罪小乃不可殺乃有大罪非終乃爲書與通爾既通極厥辜時乃不可殺○曾子問聽獄之術孔子曰其大法有三焉治必以寬寬之之術歸孔聖全書 卷之八 八終 十二

刑之君必與衆共焉今之聽訟者不惠其意而惠其人求所以殺是反古之道也○孟氏之臣叛武伯問孔子曰知之何咎曰臣人而叛天下所不容也其狀自反子姑待之三旬果自歸孟氏武伯將執之訪於夫子夫子曰無也子之於臣禮意不至是以去子今其自反罪以反除又何執焉子修禮以待之則臣去子將安往武伯乃止

記問

夫子問居喟然而歎子思再拜請曰意子孫不修將添祖乎堯舜之道恨不及乎夫子曰爾孺子安知吾志子思對曰伋於進瞻亟聞夫子之教其父析薪其子弗克負荷是謂不肖伋每孔聖全書 卷之八 八終 十二

思之所以大恐而不辭也夫子忻然笑曰然乎吾無憂矣世不廢業其克昌乎○子思問於夫子曰爲人君者莫不任賢之逸也而不能任賢何故子曰非不欲也所以官人任能者由於不明也其君以譽爲賞以毀爲罰賢者不居焉○子思問於夫子曰伋聞夫子之詔正俗化民之政莫善於禮樂也管子任法以治齊而天下稱仁焉是法與禮樂異用而同功也何必但禮樂哉子曰堯舜之化百世不輟仁義之風遠也管仲任法身死則法息嚴而寡思也若管仲之智足以定法材非管仲而專任法能必亂成矣○子思問於夫子曰物有形類事有真偽必審之矣由于曰由乎心心之精神是謂聖推數究理不以疑

子布德將致太平則鳳凰龜龍先爲之祥今宗周將滅天下

雜訓

其素子上不願也寄退子上請曰白聞士無介不見女無媒不

嫁孟孺子無介而見大人悅而敬之白也未諭敢問子思曰然
吾昔從夫子於邾邾程子於塗傾蓋而語終日而別命子路將
束帛贈焉以其道同於君子也今孟子車孺子也言稱堯舜性
樂仁義世所希有也事之猶可況加敬乎非爾所及也○魯人
有同姓死而弗弔者人曰在禮當免不免當弔不弔有司罰之
如之何子之無弔也答曰吾以其疎遠也子思聞之曰無恩之
甚也昔者季孫氏問於夫子曰百世之宗有絕道乎子曰繼之
以姓義無絕也故同姓為宗合族為屬雖國子之尊不廢其親
所以崇愛也是以繼之以食序列昭穆萬世婚姻不通忠篤之
道然也○縣子問子思曰顏回問為邦夫子曰行夏之時若是
孔聖全書 卷之六 十六
殷周異正為非乎子思曰夏數得天堯舜之所同也殷周之王
征伐革命以應乎天因改正朔若云天時之改耳故不相因也
夫受禪於人者則襲其統受命於天者則革之所以神其事如
天道之變然也三統之義夏得其正是以夫子云○子思適齊
齊君之嬖臣美鬚眉立乎側齊君指之而笑且言曰假貌可相
易寡人不惜此之鬚眉於先生也子思曰非所願也所願者唯
君脩禮義富百姓而後得寄幣於君之境內從繼負之列其庸
多矣若無此鬚眉非彼所病也昔堯身脩十尺眉乃八彩貴聖
舜身脩八尺有奇面頰無毛亦聖禹湯文武及周公勤思勞體
或折臂望視或禿髻背僕不亦聖不仁眉美鬚為稱也人之賢

聖在德豈在貌乎且吾祖無鬚眉而天下王侯不以此損其教
由是言之使徒患德之不邵美也不病毛髮之不茂也○魯子
謂子思曰昔者吾從夫子巡守於諸侯夫子未嘗失人臣之禮
而猶聖道不行今吾觀子有傲世主之心無乃不容乎子思曰
時移世異人有宜也當吾先君周制雖毀君臣固位上下相持
若一體然夫欲行其道不執禮以求之則不能入也今天下諸
侯方欲力爭競招英雉以自輔翼此乃得士則昌失士則亡之
秋也仍於此時不自高人將下吾不自貴人將賤吾舜禹揖讓
湯武用師非故相訖乃各時也○子思年十六適宋宋大夫樂
朔與之言學焉朔曰尚書虞夏數四篇善也下此以訖于王費
孔聖全書 卷之六 十七
効堯舜之言耳殊不知也子思答曰事變有極正自當耳儼今
周公堯舜更時異處其書周矣樂朔曰凡書之作欲以喻民也
簡易為上而乃故作難知之辭不亦繁乎子思曰書之意無復
深奧訓詁成義古人之所以為典雅也昔魯季康公亦有似君之
者伯有之曰道為知者傳苟非其人道不貴矣今君何似之甚
也樂朔不悅而退曰孺子辱吾其徒曰此雖以宋為舊然世有
魯焉請攻之遂圍子思宋君聞之駕而救子思子思既免曰文
王困於囿里作周易祖君困於陳蔡作春秋吾困於宋可無作
子於是撰中庸之書四十九篇
公儀

穆公謂子思曰子之書所記夫子之言或者以謂子之辭子思曰臣所記臣祖之言或親聞之者有聞之於人者雖非正其辭然猶不失其意焉且君之所疑者何公曰於事無非子思曰無非所以得臣祖之意也就如君言以為臣之辭臣之辭無非則亦所宜責矣事既不然又何疑焉○子思居貧其友有饋之矣者受二車馬或獻樽酒束脩子思弗為當也或曰子取之果而辭吾酒脯是辭少而取多也於義則無名於分則不全而子行之何也子思曰然役不幸而貧於財至乃困之將恐絕先人之化夫以受粟為周之也酒脯則所以飲宴也方乏於食而乃飲宴非義也吾豈以為分哉度義而行也或者擔其酒脯以歸

孔聖金書

卷八

卷八

卷八

抗志

衛公子交見於子思曰先生聖人之後執清高之操天下之君子莫不服先生之大名也交雖不敏竊慕下風願思先生之行幸顧恤之子思曰公子不且也夫清高之節不以私自累不以利煩意擇天下之正道行天下之正路今公子紹康叔之緒處戰伐之世當務收英雅保其疆土非所以明滅否立規檢脩匹夫之行之時也

公孫龍

且王以不敢闕為辱必以敢闕為榮是王之所貴吏之所罰也上之所是法之所非也當謂是非相與曲諛雖十貴而所不

能治也齊王無以惠且白馬非白馬者乃子先君仲尼之所取也龍聞楚王張繁弱之弓載志歸之矢以射蛟兕於雲夢之圃反而喪其弓左右請求之王曰止也楚人遺弓楚人得之又何求乎仲尼聞之曰楚王仁義而未遂亦曰人得之而已矣何必楚乎若是者仲尼異楚人之所謂人也夫是仲尼之異楚人於所謂人而非龍之異白馬於謂馬悖也先生好儒術而非仲尼之所取也欲學而使龍去所以教雖有龍之智固不能當前也子高吳之應又曰楚人亡弓楚人得之先君夫子探其本意欲以示廣其實然之故曰不如亦曰人得之而已也是則異楚王之所謂楚非異楚王之所謂人也以此為喻乃相擊切矣凡言

孔聖金書

卷八

卷八

卷八

人者總謂人也亦猶言馬者總謂馬也楚自國也白白色也欲廣其人宜在去楚欲正名色不宜去白恍察此理則公孫之辯破矣 儒服

平原君問子高曰吾聞子之先君親見衛夫人南子又云南遊遇乎阿谷而交辭於漂女信有之乎答曰士之相保聞流言而不信者何哉以其所已行之事占之也昔先君在衛衛君問軍旅焉拒而不告色不已攝駕而去也衛君請見猶不能終何夫人之能觀千古者大鑒夫人與焉於時禮儀雖廢猶有行之者意衛君夫人饗夫子則夫子亦弗獲已矣若夫阿谷之言起於近世殆是假其類以行其心者之為也○平原君與子高飲

強子高酒曰昔有遺謬堯舜千鍾孔子百觔子路噓嗔尚飲千
榼古之聖賢無不能飲也子七何辭焉子高曰以穿所聞賢聖
以道德無人未聞以飲食也平原君曰即如先生所言則此言
何生子高曰生於嗜酒者蓋其勸厲獎戲之辭非實然也平原
君欣然曰吾不戲子無所聞此雅言也

陳士義

李由之母少寡與李音竊相好而生由由有才藝仕於魏王甚
愛之或曰李由母姦不知其父不足貴也王以告由且曰吾不
以此賤子也雖然古之聖賢亦有似子者乎吾將舉以折孽子
者李由對曰今人不通於遠在臣欲言誰爾且孔子少孤則亦

孔聖全書

卷十八

子

子

不知其父者也孔子母死殯於五父之衢人見之皆以為塋間
野曼父之母得合塋於防此則聖人與臣同者也王笑曰善子
順聞之問魏王曰李由安得斯言王曰假以自顯無傷也對曰
虛造謗言以誣聖人非無傷也且夫明主之於臣唯德所在不
以小疵妨大行也昔闕子文生於滌而不害其為令尹今李由
可則寵之何患於人之言而使橫生不然之說若欺有知則有
知不受若欺凡人則凡人無知必亦問臣則臣亦不為君之故
誣祖以顯由也如此群臣更知由惡此必聚矣所謂求白縶而
益其垢猶抱石以救溺愈不濟矣○宮他見子順曰他困貧
賤將欲自託富貴之門庶克免乎子順曰夫富而可以託富貴

而可以寄賤者天下寡矣非信义君子明識窮達則不可今子
所欲托者誰也宮他曰將適趙公子子順曰非其人矣雖好養
士自奉而已終弗能稱也宮他曰將適燕相國子順曰彼徒兄
弟甥舅各濟其私无求賢之志不足歸也宮他曰將適齊田氏
子順曰齊大國也其士大夫皆有自多之心不能容子也他曰
然則何向而可子順曰吾勿識也宮他曰唯先生知人頭告所
擇將往庇焉子順曰濟子之欲則宜居郕成子者也昔郕成子
自魯聘晉過乎衛右宰穀臣止而觴之陳樂不作送以寶璧反
過而不辭其僕曰目者右宰之觴吾子甚歡也今過而不辭何
也成子曰夫止而觴我與我歡也陳樂而不作告我哀也送我

孔聖全書

卷十八

子

子

以壁寄之我也若由此觀之衛其有乱乎背衛三十里聞竊喜
作難右宰死之還車而臨三舉而歸反命于君乃使人迎其妻
子隔宅而居之分祿而食之其子長而反其壁夫子聞之曰智
可與微謀仁可與託孤廉可以寄財者其郕成子之謂乎今子
求若人之比庇焉可也宮他曰循先生之言舍先生將安之請
從執事子順辭不得已乃言之魏王而升諸朝○子順相魏改
壁寵之官以事賢才奪無任之祿以賜有功諸侯臨者不悅
乃造謗言文咨人觀以告且曰夫不害前而有成孰與喪之而
起謗哉子順曰民不可與慮始久矣古之善為政者其初不能
無謗子產相鄭三年而後謗止吾先君之相魯三月而後謗止

今吾爲政日新雖不能及聖賢庸知止獨無時乎文咨曰子產之謗嘗亦聞之未識先君之謗何也子順曰先君初相魯七人謗曰麇裘而帶投之無戾帶之麇投之無郵及三年政成化既行民又作謗曰衮衣章甫實獲所章甫衮衣惠我無私文咨喜曰乃知先生亦不異乎聖賢夫

執節

魏安釐王問天下之高士子順曰世無其人也抑可以爲次其魯仲連乎王曰魯仲連強作之者非體自然也答曰人皆作之作之不止乃成君子文武欲作堯舜而至焉昔我先君夫子欲作文武而至焉作之不變習與成習與體成則自然矣○虞卿著書名曰春秋魏齊曰子無然也春秋孔聖所以名經也今子之書大抵談說而已亦以爲名何答曰經者取其事常也可常則爲經矣且不爲孔子其無經乎齊問子順曰無傷也魯之史記曰春秋經因以爲名焉又晏子之書亦曰春秋吾聞泰山之上封禪者七十有二君其見稱述數不盈十所謂貴賤不嫌同名也○申叔問子順曰禮爲人臣三諫不從可以稱其君之非乎答曰禮所不得也曰叔也昔者逮事有道先生問此義焉而告叔曰得稱其非者所以使天下人君不敢遂其非也子順曰然吾亦聞之是亡考起時之言非禮意也禮受放之臣不說人以無罪先君夫子曰事君欲諫不欲陳言不欲顯君之

孔聖全書

卷十八

主三

主三

孔聖全書

卷十八

主三

主三

也王曰必然必然

詰墨之事故孔解詰墨之事

墨子稱景公問晏子以孔子而不对又問三皆不对公曰以孔子語寡人者衆矣俱以爲賢人今問子而不对何也晏子曰嬰聞孔子之荆知白公謀而奉之以石乞勸下亂上教臣弑君非聖賢之行也

詩之曰楚昭王之世夫子應聘如荆不用而反周旋乎陳宋齊衛楚昭王卒惠王立十年令尹子西乃召王孫勝以爲白父史二時曾哀公十五年也夫子自衛反魯居五年矣白公立一年然後乃謀作亂亂作在哀公十六年秋也夫子已卒十旬矣

墨子雖欲謗毀聖人虛造妄言奈此年世不相值何

墨子曰孔子之齊見景公悅之封之以尼谿晏子曰不可夫儒倍居而自順立命而怠事崇喪遂哀盛用繁礼其道不可以治國其孝不可以導家公曰善

詰之曰即如此言晏子為非儒惡礼不欲崇喪遂哀也察傳記晏子之所行未有以異於儒焉又景公問所以為政晏子答以禮云景公曰礼其可以治乎晏子曰禮於政與天地並此則未有以惡於礼也晏桓子卒晏嬰斬衰枕草苴經帶杖管非食粥居於倚廬遂喪三年此又未有以異於儒也若能以口非之而躬行之晏子所弗為

孔聖全書

孔叢子

十八卷

五

墨子曰孔子怒景公之不封已乃樹鵠夷子皮於田常之門詰之曰夫樹人為信已也記曰孔子適齊惡陳常而終不見田常病之亦惡孔子交相惡而又任事其然矣記又曰陳常弑其君孔子齊戒沐浴而朝請討之視其終不樹于皮審矣

墨子曰孔子為魯司寇舍公家而奉季孫

詰之曰若以季孫為相司寇統馬奉之自法也若附意季孫季孫既受女樂則孔子去之季孫欲殺囚則孔子赦之非苟順之謂也

墨子曰孔子厄於陳蔡之間子路烹豚孔子不問肉之所由來而食之剥人之衣以沽酒孔子不問酒之所由來而飲之

詰之曰所謂厄者沽酒無麋羹不粒之食七日若烹豚飲酒則何言乎厄斯不然矣且于路為人勇於見義縱有豚酒不以義不取之可知也又何問焉

墨子曰孔子諸弟子子貢季路輔孔悝以亂衛陽虎亂魯佛肸以中牟畔漆雕開形殘

詰之曰如此言衛之亂子貢季路為之耶斯不衛口而子矣一虎從見孔子孔子不見何弟子之有佛肸以中牟畔召孔子則有之矣為孔子弟子未之聞也且漆雕開形殘非行已之致何傷於德哉

墨子曰孔子相魯齊景公患之謂晏子曰隣有狸大國之三也今孔子相魯為之若何晏子對曰君其勿憂魯君苟主

也孔子聖相也不如陰重孔子欲以相齊則必強諷魯君魯君不聽將適齊居勿受則孔子困矣

詰之曰按如此辭則景公晏子畏孔子之聖也上乃云非聖賢之行上下相及若晏子恃可也否則不然矣

墨子曰孔子見景公公曰先生素不晏子乎對曰晏子事三君而得順焉是有三心所以不見也公告晏子晏子曰三君皆欲其國安是以嬰得順也聞君子獨立不慙於影今孔子伐衛削衛不自以為辱身窮陳蔡不自以為約望望而見之之人則疑之